



Bentiaraq Ottosen
Atassut

UKA 2024/44
16. oktober 2024

Uunga siunnersuut: Illuliortiternernut aningaasalersuineq pillugu inatsisip allanngortinnissaa pillugu Inatsisartut Inatsisaat (Tulleriiaarinissamut uppersarsaaneq, sanaartortitsinernut naatsorsuutit, kaaviiartitsinissamut inerteqqut, piffissaq sioqqullugu taarsigassarsianik akiliineq il.il.)

(Ineqarnermut Attaveqaasersuutinullu Naalakkersuisoq)

Ullumikkut aningaasalersueriaatsit malillugu ingerlatsineq ilumut akilersinnaanersoq, tassami oqaatigineqarsinnaasoq tassaavoq ullumikkut sanaartornikkut atortut aamma atortussiat qaffaavigineqarnikuupput. Taamatullu allilertitserinermut periarfissat aamma akiminik annerusumik sunnuteqataannikuullutit. Sanaartortitseriaasimut naatsorsuutit eqqarsaatigineqartillugit, ullumikkut illumut allilerinerit akitsornikuupput. Soorunalimi aamma naatsorsuutigineqartussaavoq suliffeqarfiit namminersortut akimik unammilleqatigiittoqartillugu angissusaat naalaganngortarnerat.

Tamanna annertuumik sanaartorfinni unammillernartumik inissimatitsilersinnaasartoq oqaatigineqarsinnaavoq, uppersarsartuarusupparpullu tamatuminnga suliffeqarfiit namminersortut taakkummata aamma kivitsinermut peqataatinneqartussat. Assersuut sanaartornerup kinguaatoornerata kingorna taarsigassiissutinik akiliineq ilaatigut pisinnaasarpog, tamanna aamma qiviarneqartariaqarpog ullumikkut sanaartornikkut atortussat naammannersut sumiiffinni.

Atassummiit pingaarnertut qiviarusutatta ilagaat, malittarisassanut atuuttut eqqarsaatigalugit kingumut akiliisarnermut erniarititaasut eqqarsaatigeqqissaartariaqarneri. Tassami 3%-i eqqartorneqarpog, taakkunangali kingumut akiliisarnermut erniarititaasut qaffariaateqarneri alloriaatinut ajornerulersitsisumik kinguneqarsinnaaneri erseqqissaassutigalugit. Inuussutissarsiuqartunut malunnaatilimmik aningaasaqarnikkut kinguneqarsinnaaneri malitsigisaanik erniat pineqartut naappertuutinngimmata.

Atassummiit pingaartumik isigaarput, suliffeqarfik namminersortoq illersorneqartariaqartoq. Taakuummata inoqutigiinnut pingaarutilimmik pilersuisuusartut, taamatullu aamma pingaarnertut taarusulluinnarlugu unammilleqatigiinneq pilersinneqartariaqartoq sanaartorfiit iluini. Uani pineqarmata aamma illuutit allisinneqarnissanut periarfissat inuiaqatigiinnut periarfissaalersilluarneqartariaqartut.

Inuk kinaluuniit illumik pisisinnaasariaqarpoq, tamanna aqutissiunneqartuarnissaa isumaqarpunga isumassatsialaasoq. Pingaartumimmi taamaasiortoqartillugu inuk kinaluuniit ineriartorusunninni pimoorutiivillugu ingerlassinnaalersinnaagamiuk. Atassummiit aqutissiussinissarput toqqarparput, taamaasiortoqarpat ineriartorneq inuiaqatigiinni ersersinneqalersinnaammat.

Taamatut oqaaseqarluta inatsisissatut siunnersuut suliareqqinneqartariaqarpoq, inatsisissatullu siunnersuut kinguartinneqartariaqarluni.